

Q. D. B. V.

RES MECKLEN- BVRGICAE,

DVCTV

CONRADI SAMVELIS
SCHVRZFLEISCHII,
expositae

a

IIVSTO LVDOVICO Olthoff/
MECKLENBVRGICO,

Anno Ibc Ibc LXXVII.

CVM PRIVILEGIO SEREN. EL. SAXON.

Disputatio XXV.

LIPSIÆ, Apud NICOLAVM SCIPIONEM.

clō Ibc XCIIIX.

RESPECTABLE
BANK

COMMERCIAL
BANK

ESTABLISHED
1854

NEW YORK
1854



I.

DVces Mecklenburgici a regibus orti sunt, qui ea dignitate usque ad Pribislaum II. floruerunt, et priscis Henetorum insignibus ornati, late dominari coeperunt, quibus nomen inditum est ab antiquissima urbe Megapoli, cuius quaedam rudera supersunt, cuiusque ex ruinis Vismaria apud sinum Codanum crevit. *V. Alb. Cranz. Vandal. lib. 7. cap. 11. Ioannes Posse. in oratione de Rostoch. Petrus Lindeberg. Chron. Rostoch. aliique. Civitatis Obotritorum Mecklenburgiam aetvo suo meminit Adamus Bremenensis l. 4. c. 12.*

II. Idem ille Pribislaus ex gentis suae more in mansuetudinem Christianam mutatus, totum illum tractum, qui inter Albim et mare ad Baltici littoris oram iacet, Saxonici ritibus imbuivit, et plurima in eo genere perfecit, quae nomen eius immortalitati consecrarunt. Quare Helmoldus, cui neque fidem neque auctoritatem derogare possum, ingenue scripsit. *Omnis Slavorum regio, incipiens ab Egdora (qui est limes regni Danorum) extenditur inter mare Balticum et Albiam, per longissimos tractus usque ad Zuerin, olim infidius horrida, et pene deserta, nunc, dante Deo, tota redacta est velut in unam Saxonum coloniam, et quae ibi sequuntur, lib. 2. chron. Slavon. cap. 14. De Zuerina V. Detmarus chron. lib. 8.*

III. Sub hoc tempus instaurari coeptum est Mecklenburgum, a quo postea Obotritorum Principes nomen tulerunt, et solenniori auspicio inde appellati, multa et magna opera perfecerunt. Nam etsi iam ante Pribislaum ibi sedes

potentiae atque aula Principum nostrae gentis fuit, tamen Niclotus Obotritorum rex, idemque Pribislai, a quo auspiciatus sum, pater, gravi ratione inductus, castrum illud igni subiecto cremavit, veritus, ne ab Henrico Guelpho expugnaretur. Helmold. l. c. 87. et II. c. 14.

IV. Itaque hoc loco aliena est *Megalopolis*, quae commemoratur in *notitia Episcoporum provinciae Procos.* de cuius situ egregii summiqve viri dubitant, et mendum notant atque suspicantur eruditi, quando Megalopolis in fines regiminis Africae proconsularis descripta narratur. Fuitque haec causa nuper, cur *Henricus Noris* Ioannem Garnerium castigaverit, quod Africae Magalopolin attribuisset. *In notis ad inscriptiones epistolarum Synodaliū, Cl. Viro Antonio Magliabecchio, Sereniss. Magni Ducis Florentiae bibliothecae praefecto, et ob variam exquisitamque doctrinam magnopere culto nobis aestimatoque, dictis, pag. 26.* Neque hic referri attinet *Megalopolin* Peloponnesi, quam Pausanias cum Babylonis illa comparavit, in Arcad. neque Megapolin Illyricorum Urbem, cuius meminit Polybius IV. 25. *Nostra, de qua hic loquimur, Megapolis etiam Magnopolis appellata est, quod seculo Graecarum literarum rudi est condonandum, apud Helmoldum lib. 1. chron. cap. 87. Conf. Cranzii Vandal. lib. 6. cap. 36.*

V. Cuius urbis memoria eo illustrior esse debet, quod sumptus ab ea titulus semper est retentus, et Principibus, in republica Germanica eminentem locum consecutis, tantum decus ornamentumque attulit, ut quoque Ducum, quorum altissimus in imperio gradus est, titulo ornarentur. Graviter Cranzius scripsit, cum propter Vismariam Mecklenburgum oppidum, tum propter Mecklenburgum nomen titulumque Obotritorum sublatum extinctumque esse. *Vandal. lib. 7. cap. 11. Dominicus Marius Niger* refert, Vismariam pri-

prius, quam eo nomine insigniretur, appellatam fuisse *Mariomis oppidum*, *Geograph. Comment. V. p. 75.*

VI. At prudenter et consulto *Venedorum principatus* titulo Serenissimorum Ducum nostrorum additus fuit, cum ut veteris gentis memoria servaretur, tum ut indicaretur, *Obotritorum terram* antiquo iure in eorum potestate ditio- neque esse. Quamquam *Cranzius* Vandalorum et Venedorum nomen confundit, quum tradit, Duces Mecklenburgicos defuisse appellari Vandalos, qui revera desierunt Venedorum nomine appellari. Proinde nullo idoneo auctore scripsit *Ioannes Palatius*, Sorabos, qui superiorem, Albis oram, et Obotritos, qui patriam meam incoluerunt, partem nationis Vandalorum fuisse, in *Aquil. Saxon. notat. marginal. p. 4. et alibi.* Neque tamen negaverim, illos Venedos, qui VVagri dicuntur, nomini necessitudinique Saxonum post insertos fuisse, adeo, ut ductis illuc ex terris Saxonum coloniis, VVagria coeperit dici nova Saxonia, et Holsatiae, quae alio nomine Saxonia transalbina audit, coniuncta fuerit, etsi ab ea ante et imperio, et lingua discernebatur. De qua Saxonum, Fresonumque et Hollandorum migratione in VVagriam facta, vid. *Helmoldus l. 1. chron. cap. 57. ex eoque Ioannes Isacius Pontanus bist. rer. Dan. lib. 5. p. 229.*

VII. Familia nostrorum Principum non modo multis variisque laudibus cumulata fuit, sed etiam nobilissimae antiquitatis mensuram implevit. Quare *Nicolaus Marefscalcus Thurius*, quo nemo diligentius res patrias pervestigavit, ex vetustissima Anthyrii stirpe originem arcessit, cui assentiuntur *Sebastianus Munsterus*, *Hieronymus Henninges*, *Elias Reufnerus*, *Ioannes Posselius*, *Ioannes Bocerus*, alique viri doctrina et multa lectione praestantes. Quorum sententiam neque refellere, neque confirmare in animo est. Quamvis haud desint mihi argumenta, quibus probem, ultimos laudatissimorum

Principum horum maiores non ex Asia, ubi nunquam Obotriti militarunt, sed ex Europae illa parte, quae Sarmatia dicitur, iam diu ante Karolingorum tempora profectos, lumen quoddam virtutis familiaeque suae in his oris accendisse, posterisque suis praetulisse. Tum vero non convenit aetati Alexandri M. ut dicamus, tunc fuisse hereditarios Henetorum Principes, et insignia sua ab eo accepisse. Namque arma gentilitia, *Bucephali* imagine distincta, ideo more maiorum sumpta sunt, ut denotarent priscam gentis nostrae ferociam, ac simul indicarent insignia illa non fortunae, sed fortitudini esse tribuenda. In qua re valde sibi placuerunt veteres, et a brutis insignioribus virtutum pariter atque insignium symbola acceperunt. V. *Baribol. Chassanaeus Catal. glor. mund. 78. consid.* Ipse etiam Alexander M. qui primo Bucephalum domuit, eius imaginem in plerisque numis extare voluit, cuiusmodi sunt, qui prae se ferunt effigiem taurini capitis, quique literas *ΒΟΥΚΕΦ* expressas habent. Testis est *Strabo*, eius memoriae urbem Bucephaliam dicasse, *Geograph. l. X V.* Astitulantur *Plinius l. VI. H. N. C. XX. Curtius IX. 3. 23. Solinus cap. XLVII. Stephanus de Urbibus in hoc vocabulo; Aristophanis Scholiastes in $\alpha\Phi\epsilon\lambda$. p. 123. edit. Bifetii.* Nec tamen propterea detrahā de summa eruditione meritisque *Godefridici*, quippe excusandi, quum illa ultima et fabulis involuta respexit: in ceteris ubi tabulas et monumenta usurpavit, magnopere est laudandus.

VIII. Sed ut humana omnia, ita quoque Obotritorum iste principatus varias mutationes habuit, et in quod culmen evectus est, in eo non semper eadem felicitate stetit. Ad Danos delatus est a Canuto eius gentis principe, qui posteaquam Henrici I. propago defecerat, regnum Obotritorum, quod illius propinquis Pribislao et Nicloto debebatur, a Lothario II. imperatore Anno M. CXXXIII. traditum sus-

cepit. Eo a Magno patruſcule interempto, VValdemarus Canuti filius cum Henrico Leone Gveſſo Pribiſlauni, Nicloti II. filium multis bellis fatigavit, adeo ut magna regionis parte multaretur. Itaque rebus plane inclinatis, in pacem conſenſit, et ſe ſuoſque ex ſuperioribus moleſtiis recreavit. Fuitque hic ultimus Obotritae gentis regum, Princeps magni ſane animi, ſummisque periculis deſunctus, cui a divino numine tributum eſt, ut animum a profana ſuperſtitione pertinaciaque, ad cultum religionemque Chriſtianam revocaret, et Principatum a duobus hoſtibus vaſtatum et direptum templis aedificiisque ornaret. Qva in re Godeſchalcum proavum eſt imitatus, quippe qui religionis cauſam omni felicitate potiorem duxit, et auctoritate meritisque patriam cumprimis firmavit. *V. Helmoldus l. i. cap. 49. ſeqq. Abbas Stradens. an. 1133.*

IX. Quo factum eſt, ut Principes noſtri comiter haberent Duces Saxoniae, et quae illis e re viſa eſſent, minime tunc aſpernarentur. Cuius rei exemplum ſatis luculentum in Pribiſlao reperiamus, qui et propoſitas ab Henrico Duce conditiones accepit, et quae ille probaſſet, ſibi non diſplicere eſt teſtatus, *apud Helmoldum l. i. c. 83.* Tum vero tradit *Franciſcus Irenicus*, Principes noſtros, cum per iniquam belli fortunam de loco regio dimoti fuiſſent, *partim ſub ducatu Saxoniae, partim ſub Pomerania comprehenſos fuiſſe, German. exeges. l. III. cap. XCIX.* Neque me fugit, non modo Mecklenburgicos, ſed etiam Pomeranos Venedoſque prope omnes Canuto V. Daniae regi aliquando paruiſſe. *Io. Is. Pontan. biſt. Dan. l. 6. p. 291. Io. Poſſelius* etiam affirmat, Nicolorum Valdemari filium Roſtochium Erico IX. regi Daniae permiſiſſe, quod poſt certis conditionibus ab Henrico Leone eſt receptum, *Orat. de Roſtoch. p. 19.*

X. Cuius mutatae dignitatis cauſae et diligenter, et gra-

graviter a Carolo IV. sunt expensae, quando Albertum et Ioannem, Henrici Leonis filios, in Ducum fastigium evexit, et palam comprobavit, hoc regiae stirpi se tribuisse, quod ad Bucephali caput, quo insignia eorum constant, Coronam adiunxisset. *Munsterus Cosmogr. l. 3. c. 459. ex eoqve Limnaeus l. p. l. 5. c. 12. Conf. Ioannes Bocerus in historia ducum Mecklenburg. versibus exarata.* Inaugurationis solennia peracta sunt Pragae anno supra millesimum trecentesium quadagesimo nono. V. *Ioannes Dubravius bist. Boiem. l. 22. Io. Is. Pontan. bist. Dan. lib. 7. ad. b. an.*

XI. Captabat quidem dissidii causam pro more suo Carolus IV. propterea quod nil perinde cuperet et vellet, quam ut Albertum et Ioannem contra Ludovicum Bavarum socios adiutoresqve haberet. Idcirco hanc eius evertendi rationem iniit, atqve adeo Principes, quorum ope auxilioqve contra vicinum potentemqve aemulum indigebat, tam luculento beneficio sibi conciliavit, non passurus, ut is Marchia Brandenburgica, cuius heredes Ascanii defecerant, in proximo potiretur. Eo consilio fallaciam invenit, et rumorem dissipavit, tanquam VValdemarus nondum esset mortuus, et hominem quendam instruxit atqve subornavit, qui diceret, se esse Marchionem VValdemarum, ut Ludovicum marchionem summoveret, *Albertus Argentinenfis Chron. p. 146. Io. Dubravius bist. Boiem. l. 22. Io. Micraelius Chron. Pomeran. lib. 3. p. 333. qui istius Pseudovvaldemari, quem molae operam dedisse constat, nomen refert, ac monet, eum iuvenili aetate armigeri munia in aula veri Marchionis VValdemari obitusse, atqve adeo negotiorum ipsius baud ignarum fuisse.*

XII. Nunc instituto meo convenit, ut divorum Principum memoriae tribuam, quas et quo iure provincias acquisiverint, quibusqve modis vetus patrimonium redintegraverint. Sane enim fortuna quoqve multa ipsorum meritis re-

rependit, et hereditatibus connubiisque auxit firmavitque. Quamquam de *Stargardiae* dynastia incertum reliquerunt histori, quo titulo in eius possessionem venerint, quoque tempore hereditario Dynastarum *Stargardiae* nomine appellari coeperint. Ego certum habeo, *Stargardiam* illam veterem, qua adiectione a *Stargardia Pomeraniae* ulterioris urbe distinguitur, ab *Obotritis* esse aedificatam. Inde ad *Marchiones Brandenburgicos Ascaniae gentis* pervenit: postea ad *Henricum Leonem Mecklenburgicum* delata est, quando is tractum illum dotis nomine acquisivit, et hereditarium ius atque titulum Dynastae *Stargardenfis* ad filios successoresque suos devolvit. Cuius filius *Ioannes Stargardiam* omni elegantia aulaque excoluit. Inspeci tabulas, in quibus *Henricus Leo dominus Stargardiae* appellatur. Exemplum est diplomatis apud *Ioannem Isacium Pontanum*, ubi *Ericus VI. Daniae rex dominum Rostochiense* eidem possidendum tradidit, in quo *dominus Henricus Megapolensis ac Stargardiae* nominatur, *hist. Dan. l. 7. an. MCCCXVII.* Eum *Ioannes Micraelius Chron. Pomeran. l. 3. p. 323.* *Vvaldemari Marchionis* et *Septemviri Brandenburgici* generum scribit. Vnde factum memorat, ut *Henricus* iure huius connubii, extincto ultimo *Marchione Brandenburgico-Ascaniae stirpis, Prenzlaviam, Pasewalcum* et *Marchiam Vckeranam*, tanquam ditionis *Brandenburgicae*, praetenderet, *ibidem.* Quem tamen *Reusnerus Henningesium* secutus, aliique haud infirmi auctores, *Alberti Marchionis Brandenburgici* filiam duxisse tradunt. *Eascl. p. 462.* *Reusneri* sententiam et adduxit et probavit *Ioannes Linnaeus iur. publ. lib. 5. cap. 12.* Hisque ut accedamus, facit *Cranzii* rerum *Mecklenburgicarum* peritissimi auctoritas. Qui refert, *Henricum Leonem*, ducta *Alberti Marchionis Brandenburgici* filia *Beatrice*, partim iure belli, partim iure emptionis tractum *Stargardensem*, qui an-

tea in ditione Marchionum fuerat, obtinuisse, et a Christophoro I. Erici VI. de quo ante traditum est, fratre, et in regno Daniae post occisum Abelem successore, in solidum cessam perpetuo ad posteros iure consecutum fuisse, *Vandal. lib. 8. cap. 3. et 4.* Constat enim indubitatis sane monumentis, Henricum tres uxores habuisse, primam Alberti, alteram Rudolphi Saxonis Ascanii filiam, tertiam Rugiae Principis viduam. *Cranzius ibidem.* Quare dubiae et dissidentes quorundam sententiae, nunc nullo negotio intelligi iudicarique possunt.

XIII. Verum prosapia Ioannis Ducis Henrici Leonis F. cui Stargardia obvenit, floruit usque ad Ulricum, qui anno MCCCC LXXI. rebus humanis exemptus, propaginem suam terminavit. Quo casu accidit, ut Magnus, qui ex Alberto I. descendebat, *Stargardiam* faustis patriae auspiciis cum ducatu Megapolensi coniungeret, et splendore nominis potentiaque valde se illustraret. *Dav. Chytr. Sax. l. 1. p. 42. Superiora attigerunt Petrus Lindebergius Chron. Rostoch. l. 2. cap. 10. Melib. Nebel. in descript. Germaniae regionis Mecklenburg. Abrahamus Sauer, Ioannes Michaelius, aliique.*

XIV. Ita cum neque fructu laborum, neque iustis accessionibus carerent nostri Principes, haud exiguo terrarum spatio aucti, in pace felicitateque sua conquieverunt. Quamquam autem neque aliena affectarunt, nec, quantum in ipsis fuit, regiones suas incertis dubiisque bellis obiecerunt, tamen ex fortunae incrementis haud parvam subinde voluptatem ceperunt. Eum ad modum sortiti sunt *Comitatum Sverinensem*, quem Henricus Leo Guelphus in Guncelinum, ex Bartenslebiis, quorum generis summus semper fuit splendor, contulit. Huius posterii virilis sexus in Ottone, cui Rosae cognomen erat, defecerunt. Sed unica eius filia, atque Comitatus heres Richardis Alberto II. huius nominis, Megapolitano Duci nupsit, et maritum tam luculenta possessione, quae etiamnum in ditione-

tionem nostri Principis est, auxit ornavitque. *V. David Chytræus Saxon. lib. 13. p. 327. Meibomius in chron. Hermanni de Lerbek p. 60. Chronicon Brunsvicense p. 143. Cyriacus Spaugenberg. in spec. Nobilitat. fol. 298. Alioqui Gunzelini memoria celebratur passim in monumentis Helmoldi atque Arnoldi Lubecensis.*

XV. *Visinaria*, quam Gunzelinus II. Comes instauravit, anno M CCCI. pervenit ad Henricum Ducem Megapolitanum, qui ob navatam bello sacro operam Hierosolymitanus dici coepit: a quo tempore fuit iuris Mecklenburgici, et rebus bello tricennali turbatis, erepta quidem Ducibus nostris, sed anno M DC XXXII. ab Adolpho Friderico, foedere et viribus Gustavi Adolphi regis, recuperata. Demum cum pacis causa pactum Osnabrugae fieret, Svedis foederatae militiae satisfactionem poscentibus, praeter Principum nostrorum culpam A. M DC XLIIX. cessa est, mansitque in horum potestate usque ad A. M DC LXXV. quo Dani occupatum etiamnum sub imperii clientela possident, ad priores dominos redituram, siquidem ius postliminii valiturum esset, ferretque ita ratio satisfactionis belli socialis. *V. post Cranzium Dav. Chytræus Saxon. p. 252. conf. Ioannes Regkmann. in chron. Lubecens. 10. Angel. a VVerdenbagen part. 3. cap. 22. de rebus publ. Hans. 10. Lindeberg. Cbr. Rosloch. lib. 3. qui pleraque iucunda et pragmatica eius urbis tractarunt.* Eam Henricus, de quo iam commemoravi, armis in potestatem suam redegit, et iure Lubecensi, multisque et magnis privilegiis donavit, qui et ibidem e vita decessit. *Chytr. cit. l. Rensnerus. Basil. p. 41.* Portum habet commodissimum, et navigationi maris Baltici opportunissimum, in quem iam, veteri privilegio Ottoniano, Sverinensibus civibus navigandi libere ac sine onere ius est. *Spreng. iuris prud. publ. lib. 3. cap. 21.* Insula Paluda, vulgo Poel nominata, rudera quaedam antiquitatis priscorum Slaviae regulorum ostendit.

XVI. *Principatus Venedorum*, A. M CCCC XXXI. mortuo VVilhelmo, ultimo VVendiae Principe, propter communem stirpem ad Mecklenburgi et Stargardiae Duces transiit, atque nomen hoc a prisca tributum seculis constanter servavit. *Cranzius Vandal. lib. 11. cap. 39. Chyr. Sax. pag. 42.* Estque hic recte et instituto nostro convenienter explicandum, quod adducto loco scripsit Cranzius, duces Megapolitanos et Stargardiae principatum Venedorum obtinuisse, *non tam successione hereditaria, quam placito inter se Principum, accedente procul dubio imperiali confirmatione.* Ea enim verba valent ad indicandam successionem feudalem, iuxta quam, propter agnationem primi acquirentis, iure non mere *patrimoniali*, sed beneficiario succedebant, atque adeo saltem ob ius ex pacto et providentia maiorum constitutum, atque ab ultimo stipite ad se derivatum, erant heredes *feudales*. Quo pacto ipse se declaravit *Vandal. l. 7. cap. 10.* quum scripsit, *morientes Vandaliae* (VVendiae rectius) *Principes proxima successione transmississe illum titulum* adduces Megapolenses. Quibus non *allodiam*, sed *feudalem* principatum stylo iuridico liceat denotare. Constatque alias, hunc et ceteros principatus ducatusque esse virilis generis, hoc est, ut loquuntur in iuris peritorum scholis, *feuda masculina*, atque adeo ad feminas non deferri. *V. Cranzius Vandal. l. XI. cap. ult.* Ceterum Venedorum Principatus oppida continet, *Gustrovium, Parchim, Plauve, Malchim:* ut mirum sit, VVendiam, quae magnam quondam Europae partem implevit, in tam exiguos fines redactam. *V. Cranzius Vandal. lib. 7. cap. 10. Domizium,* quod nunc eidem principatui annumeratur, a Marchionibus Brandenburgicis A. M CCC XXIX. pignori oppositum fuit Comitibus Sverinensibus, atque hic in universum extinctis, cum cetera eorum hereditate Ducum nostrorum patrimonio accrevit, et firmo per-

perpetuoque iure in ea familia permansit, situ, operibus validum, vectigalique Albis praeditum, a quo nervi quasi artusque potentiae Serenissimi Ducis Sverinensis Christiani ducuntur. Interim vid. *Andreas Angelus Chron. Marcbic. l. 2. p. 136.*

XVII. *Rostockium*, quae illustris ad Varnum civitas est, anno M CLX. a fundamentis aedificavit Pribislaus II. Nicloti filius, immunitatibus beneficiisque auxit Burevvinus, forumque eius ex praescripto iuris Lubecensis ordinavit, et postea amplificavit magis atque excoluit Burevvinus II. cuius urbis luculentum eruditumque *chronicon* composuit *Petrus Lindenbergius*, spectatque haec oratio *Ioannis Posselii de inclita urbe Rostockio, anno clx lc XIC. Francofurti ad Moenum edita.* Tractus Rostochiensis, perinde ut tota Obotritorum regio, quae est hodierna Megapolis; aliquandiu Danis fuit obnoxius, atque a Principatu Megapolensi separatas rationes habuit, quoad vixit Nicolaus, qui puer de Rostochio appellatus est: quo mortuo, Rostochientis districtus principatui Megapolitano insertus perpetuoque iunctus fuit, *Cranzius Vandal. lib. 6. cap. 24. et lib. 7. cap. 36.* Illic Academiae sedem collocarunt Ioannes et Albertus, duorum fratrum filii, auspiciis anno MCCCCXIX. factis. Privilegia pro illorum temporum opinione Martinus V. Pontifex est imperitus. In ea insignes Viri semper floruerunt, ac historiam bonasque literas praecipuae illustrarunt *Albertus Cranzius*, postea *Hamburgensis Ecclesiae Decanus*, *Nicolaus Marscalcus Thurius*, deinde *Consiliarius Mecklenburgicus*, cuius annales *Vandalicos* iam supra et merito laudavi, *Ioannes Bocerius*, ob scriptam versibus historiam regum Daniae, Ducum nostrae gentis et *Holsatiae* iure, memorandus, *Ioannes Posselius Graecis Latinisque literis famam adeptus*, et de Rostochio, *habita singulari oratione, bene meritus*, *Ioannes Caselius*, vir in omni

eruditionis genere summus, qui, postquam hic magna cum laude docuit, ad ornandam Academiam Iuliam post est accitus, David et Nathan Chytraei, quorum et dotes maximae, et merita immortalia nulla oratione satis celebrari possunt. Cranzius, ob motus saepe in ea urbe excitatos, hanc talenti fortunam ab insausto lidere deduxit, *Vand. lib. 7. cap. 49.* In quo ab eo dissensit VVaremundus de Ebrenberg, id est, Eberhardus a VVeih, vir iurisprudentissimus, qui perperam ita existimasse Cranzium tradit, *de foed. lib. 1. cap. 1.* Nec diffiteri possum, Cranzium interdum alieniorem ab iis fuisse, quorum beneficia praedicare debuisset. Vixit is aliquandiu in Collegio Canonorum Naumburgensium, et diaconi partes obiit, sed erga illos haud gratum semper se ostendit, e quorum regione egressus fuit. Causae dissidii inter Duces et urbem coepit, quod in quinque annorum bellum erupit, *vid. ap. Cranzium Vandal. lib. 14. cap. 1. seqq.* Dissensiones inter fratres Ioannem Albertum et VVricum, atque urbem exortas persequitur Dav. Chytraeus in brevi Chronico Arctoniae partis Germaniae An. 1587. excuso p. 92. seqq. collat. Saxon. lib. 22. pag. 619. seqq. Iacob. Aug. Thuanus bist. lib. 38. pag. 716. seq. De Controversia inter Serenissimos Duces Christinum, et Gustavum Adolphum V. Thuldenus bist. Europ. ennead. 2. lib. 1. pag. 18. Sed ea cum ad motum spectaret, interventu Ordinum paulo post tranquillitati publicae remissa est. Quamquam autem praedicta civitas societate Hanseica continetur, tamen est sub imperio civili nostrorum Principum, et privilegia sibi tradita amplissima fide obsequii retinet ac tuetur. Gedano et Sundio antiquior est, propterea quod illud auspiciis VValdemari I. anno M CLXIV. prima initia habuit, atque ea de causa *Danſvick* appellatum, urbis nomen et formam aliquanto post accepit: hoc regnante VValdemaro II. anno M CCX. et conditum a Danis, et coloniis

nii Saxonici cultum fuit. Vismaria serius aedificata est, quae tamen omnes maritimas eius limitis urbes opportunitate portas vincit, cum primis Rostochium, quod ex ea re vehementer laborat, atque adeo ad Varni exitum, ubi munitionis, live pharus *Varnemunda* est, merces exponit in urbem devehendas. V. *antiquitatis causa* Cranzius *Pandal lib. 7. cap. 5. cap. 11. Io. Is. Pontanius bist. Dan. lib. 6. p. 302. Io. Possefel. de Rostoch pag 13. conf. Lindeberg. lib. 1. cap. 8. Ioannes Magnus bist. Gotb. lib. 18. cap. 19. in quo inest mendum chronologicum.* Cyprianus Eubodius refert, an. post C. N. CCC XXIX. iam tum ibi fuisse pagum levibus initus conditum, quod fabulis se adnumerandum, delict. German. pag. 139. Eas vero omnes vetustate praestit Lubeca, de qua vid. post *Helmoldum Abbas Stadenfis an. 1139. Cranzius Pandal. l. 6. c. 30. seq. l. 7. c. 14.*

XVIII. Praeterea huic scripto mandandum duxi, quae bonorum Ecclesiasticorum accessiones nuper ad Ducatum nostrum factae fuerint. Ex his primo loco memorandus est *Episcopus Sverinensis*, qui regnante Henrico IV. * in urbe Megapoli constitutus, et postquam a Slavibus, ad superiorem superstitionem relapsis, deletus est: imperante Friderico Aenobarbo ab Henrico Leone Guelfo ** instauratus, atque in oppidum Sverin translatus fuit. Extant huius *litterae fundationis*, in quibus testatus est, se pro remedio animae et parentum suorum ad propagandam Christianam religionem, in terra Slavorum transalbina, in loco horrois et vastae solitudinis, tres *Episcopatus* *** construxisse, allodiis, redivisibus men-

se

* A. M. LXII.

** A. M. CLXX.

*** A. M.

burgensem, qui Lubecam translatus, hoc nomine tituloque solus superest apud Protestantem, nondum secularisatus, *Mecklenburgensem*, qui *Sverinensis* dictus est, *Ruszeburgensem*, qui hoc nomen servavit.

fae suae dotavisse, insuper ea, quam gladio et arcu suo quaesiverit, hereditate ampliasse. Inde Episcopatum Syverinensem nominat, et in curando restituendoque eo magnum laborem operamque se posuisse affirmat. V. *Adamus Bremensis lib. 3. H. E. cap. 27. Cranzius Metropol. lib. 6. cap. 25. 39. et lib. 7. cap. 20. Cbytr. Saxon. lib. 1. pag. 43. Chron. Riddagsbusan. pag. 5.* Atque hic Episcopatus, perinde ut Razeburgensis, obnoxius fuit iuri metropolitano Ecclesiae Bremensis; sed dignitatem Principis Ecclesiastici iure seculi mutavit, sessionemque simul et suffragium inter Principes profanos, sive seculares est adeptus. *Instrum. Pac. Osnabrug. art. 12.* Quod summae rationis et aequitatis fuit, ut propter abalienatam civitatem portumque *Vismariensem* et conveniens satisfactio offerretur, et praestaretur. Nam neque culpa in Ducibus nostris resedit, neque ullo facto tale quid commeriti erant, ut tam luculenta patrimonii sui parte, qua in tota Germania nec aptior, nec utilior est ad rem maritimam, privarentur. Quia autem evidens erat necessitas finiendi belli, quod sine ea cessione finiri non potuit, Serenissimi Duces de iure suo decedere, et reipublicae causa in compensatione acquiescere necesse habuerunt. Alioqui sua potius retinere cupiebant, atque adeo per legatos contra obstabantur, causamque suam omnibus modis defendebant. Sed quoniam Germaniae tunc res obbellum afflictissimae, et consiliorum voluntatumque dissidentium impedimentum rationes erant, passi sunt tandem fieri, quod mutare non potuerunt. Cum primis quod viderent, nullas ibi neque preces, neque obtestationes, nec questus Brandenburgicorum valuisse, quippe qui in eiusmodi pacis instaurandae conditiones nullo modo consentire volebant, et tamen necessitate temporum ipsi quoque tandem vincebantur, quum nil opis auxi-

auxiliiqve in amicis et sociis, nil praesidii in postulatis et rationibus haberent, atqve sic publicae utilitati remitterent, quod turbidus temporum status ita ferebat, ut imperatoris atqve imperii voluntati concederent, et quodiure ceteroqve retinere debuissent, abalienari paterentur. Fuitqve hoc grave *Dominii Eminentis* in republica nostra exemplum, exactis illorum sane difficiliorum temporum erutum. V. *Theatrum Europaeum T. V. et VI. passim.* Verum ratione dicti Episcopatus, in patrimonium Serenissimi nostri Ducis addicti, perpetuus Academiae Rostochiensis *Cancellarius* idem ille audit. *Episcopatus Raceburgensis* sub Henrici IV. Salici imperio coepit est ab Alberto Archiepiscopo Bremensi, sed posteaquam Venedi, officium et sacra deferentes, iterum insurrexerant, eversus est, donec ab Henrico Leone Gvelpho faustis initiis instauratus, atqve egregiis redditibus ornatus atqve locupletatus fuit. Quibus rebus evenit, ut Henricus Dux ius inaugurandi hunc et ceteros Slaviae Episcopos, etiam permissu imperatoris, consequeretur. Cuius rei idoneum auctorem habeo *Helmoldum*, ex quo *Cranzius summa capita desumpsit Metropol. lib. 6. cap. 28. Conf. Chytraeus Saxon. lib. 2. pag. 63.* Fuitqve Raceburgi et Rostochii fortuna haud multum dissimilis, quando utrumqve ex vicinis ruinis, illud ex Bardavvicii a Leone Gvelpho diruti, hoc ex Kissini ab eodem destructi et solo aequati, crevit, tantaqve incrementa cepit, ut multi homines eo confluerent, atqve ibi permanerent, Rostochium vero inprimis mercaturae commercii celebraretur, quod luculenter executus est *Lindebergius.* De Comitatu *Raceburgensi* vid. *Cranzius Vandal. lib. 6. cap. 31. et iam ante eum Arnoldus Lubecensis lib. 4. cap. 7.* Vnde dicti sunt Comites *Racenburgenses*, quorum familiam condidit *Henricus de Badervide*, ut eum nominat *Helmoldus*, etsi *Hermannus de Lerbeke* scripsit *Henricum de Aarde-*

Aardevvick : Chron. Comitum Schaarvenburg. p. 12. Qvi Comitatus extincto Bernhardo III. Comitum Raceburgensium ultimo, ad duces Saxoniae, a quibus iure beneficiario pendebat, rediit, quod est ipsum *directum utileque dominium terrae Palaborum. V. Cranzius d. l.* Ceterum *Episcopatus Raceburgensis* anno M DC XLIIIX. ad ius seculi redactus, atque in confecto cessionis compensationisque negotio, Ducibus Syverinensibus perpetuo iure attributus, nunc haud aliter, quam alius secularis Principatus, cum annexa sessionis et suffragii dignitate possidetur atque administratur, *Inst. Pac. Osnaabr. art. 12.* Eam ob causam anno M DC LII. praesules Ecclesiastici Raceburgenses Duci Adolpho Friderico, atque eo defuncto, Serenissimo Duci Christiano sacramentum dixerunt, atque ditionis imperiique eius fructum ceperunt.

XIX. Constitutis ita rebus, *ambo Episcopatus* in principatum seculi mutati, in familia sexus virilis tantum haerebunt, et perinde ut ducatus Mecklenburgicus, sola successione marium, ad omnes usque posteros Ducum antiquissimae huius stirpis, perpetua serie continuabuntur. *Inst. Pac. d. 1.* Vnde sequitur, *Syverinensem* ornare tuerique summum Ducis in republica Germanica locum, in quantum tria suffragia principalia habet, et primum quidem, quia Dux Syverinensis, alterum quia Episcopus Syverinensis, tertium quia Episcopus Raceburgensis. Dux Gustroviensis unum duntaxat suffragium inter Principes dicit. *V. instr. Pac. d. 1. et subscriptiones R. l. 1654.*

XX. Ad hanc compensationis aequitatem spectabat, quod Duci Gustroviensi, Gustavo Adolpho, propterea quod Episcopatus Raceburgensis designatus administrator fuerat, duo beneficia Ecclesiastica, sive *Canonicatus*, si tales Magdeburgi et Halberstadii vacare contingeret, impertiendi promittebantur. Praeterea familiae Megapolitanae pro certa

por-

portione redditus, ex praetensis duabus Ecclesiae Argentoratenſis *Canonicatibus* obventuri, addicebantur. Et ne quid valori ſatisfactionis deeſſet, duae praefecturae ſacrae, id eſt, *commendae* Hieroſolymitani Ordinis Equitum D. Ioannis, eaeque in ducatu Megapolitano ſitae, aſſignabantur, ita ut altera earum *Mirov* Svverinenſi, altera *Nemerov* Guſtrovienſi in perpetuum attributa eſſet maneretque. V. *Inſtr. Pac. ſaepius adductum.*

XXI. In has dignitates eveſti, nemini Principum vel vim, vel moleſtiam ullam attulerunt, niſi quod ob veſtigal *VVarnemundanum* iuſtas querelas in Comitibus expoſuerunt. Cum enim Svedi veſtigalis, apud *VVarnemundam* exigendi, ius poteſtatemve pacto Oſnabrugenſi tributam eſſe ſibi dicerent, atque in eam rem verba *Inſtr. pac. §. praeterea*, adducerent, non modo imperator atque imperii Principes contradixerunt, ſed etiam Sereniſſimi Duces noſtri hanc pro iure ſuo atque ſalute ſuae dittonis commerciorum ſuſceptam cauſam omni ſtudio ſunt perſecuti. Argumenta, quibus negabant talem ſervitutem veſtigalis ab ſe deberi, multa et ſolida fuerunt. Etenim ius imponendi veſtigalis I. ex intentione paciſcentium imperatoris et imperii eſt intelligendum. II. Atqui haec intentio qualis fuerit, quamque in ſententiam valuerit, inſtans apparuit, quum Svedi veſtigalis apud *VVarnemundam* exigendi initium feciſſent. Simul ac enim id coeptum eſt, publicis contradictionibus et *proteſtationibus* imperatoris et imperii Principum poſtulata ipſorum ſunt reiecta. III. *VVarnemunda*, ſalva territorii poteſtate ducum noſtrorum, continetur ſinibus iuriſdictionis Roſtochienſis, ad quam iuriſdictio Svedorum nullo praetextu iuris proferri poterat. IV. Itaque longius ab intentione paciſcentium diſceſſerunt, quum privilegium alioqui odioſum, et duntaxat pro ſuo territorio conceſſum, inceperunt porrigere ad territorium alienum. V. Ver-

ba *Megapoleos* non valent ad omnem *Megapolin* maritimam denotandam, sed pro ea parte, qua pacto *Osnabrugensi* cessa, et in *Svedos* collata erat. VI. Nisi enim proposito conventionis pragmaticae convenienter intelligantur, multae nec secum conciliandae conclusiones inde sequuntur. VII. Non quidem nescimus, privilegia aliquando in alieno territorio acquisita et usu probata esse: sed hic quaestio vertit, utrum iure pacti *VVestphalici* tale ius doceri potuerit et firmari. Quod negamus constanter, atque huius rationis similitudine utimur. Eodem cessionis capite *Svedis* tributum ius est condendae Academiae, ubi et quando, id est, quo in loco temporeque velint. At nemo erit tam iniquus, ut putet, *Svedos* hoc ius nactus, etiam alibi, quam intra fines suae ditionis, *vigore huius §.* Academiam condere potuisse. Ne nunc addam, id quod iure illicitum, occasioneque belli et turbatae reipublicae in perniciem commerciorum introductum fuit, iure esse abolendum.

XXII. De sessionis et suffragii dicendi ordine, usu rationumque praesidio a nostris Ducibus firmato, alii diffuse egerunt, ac ipse etiam principia causasque praerogativae illorum ex veris atque luculentis rerum domesticarum commentariis hausit. Eo vid. *Ioannes Limnaeus* addit. ad l. §. c. 12. *Iacobus Andreas Crusius de praemin. l. 4. c. 12.* Sedisse enim ante Duces *Iuliacenses*, et locum hunc cum ratione antiquitatis, tum observatione prisca moris consuetudinisque tenuisse, publicis documentis dudum comprobarunt. Tribunal Principale *Sternbergae* est, ac privilegium de non provocando ad iudicium *Spirense* habent, quoad summa litis non excedit CCC. florenos. Circulo *Saxoniae inferioris*, quo comprehenduntur, magnum robur securitatisque adiuventum praebent, et ius atque leges imperii, hoc quoque turbido et misero temporum statu summa fide atque diligentia tuerentur. Quod, non dubito, quin *Serenissimis* Ducibus bene eventurum sit, precorque Deum, ut voto meo exitus congruat, et patria tandem a bellis respiret, pristinamque felicitatem consequatur, et perpetuam servet.